



UNIVERSITÄTS-
BIBLIOTHEK
PADERBORN

**Forum Competens Quæstionibus ex Universo Jure
selectis, atque ad praxin utilissimis illustratum, Seu
Tractatus Canonico-Civilis**

Friderich, Melchior

Ingolstadium, 1709

§. I. An Forum acquiratur in loco rei sitæ?

[urn:nbn:de:hbz:466:1-61662](#)

CAPUT IV.

De Foro Rei sitæ.

§. I.

An Forum acquiratur in loco rei sitæ.

SUMMARIUM.

- 202. Ratione rei sitæ quiris conveniri ibi potest, ubi sita res est.
- 203. Tametsi res sit mobilis.
- 204. Aut incorporea.
- 205. Non tamen actione personali, sed solum reali.
- 206. Hacconveniri potest debitor, quamvis absens.

202. Ratione rei, super qua contenditur, quemque sortiriforum, seu obnoxium fieri jurisdictioni Judicis loci, in quo res litigiosa constituta est, regulæ instar receptum est ex L. i. § ult. C. ubi in rem actio. L. quod 38. ff. de Judic. C. ult. de For. comp. § C. i. de privil. in 6. Et quidem regulariter procedit de omnibus personis, ita ut conveniri actione reali in loco rei sitæ possit etiam privilegiatus, seu habens privilegium, vi cuius nisi coram suo Judice alias competente conveniri non potest. cit. C. i. de privil. Videantur ea, quæ dixi suprà à n. 137. Ex dictis consequens est, etiam Clericum, et si cæteroqui coram suo tantum Episcopo conveniri, nec sine ejus consensu alteri prorogare in se jurisdictionem valeat, conveniri posse in loco rei sitæ æquè ac in loco contractus. Coram Ecclesiastico verò tantum Judice, an etiam coram laico conveniri queat, infrà discutietur, quando de foro Clericorum agemus.

203. Procedit insuper regula non tantum de re immobili, sed etiam mobili, saltem si ista ad aliquod tempus in illo loco permanura est. Gloss. in cit. L. ult. Bald. ibid. n. 1. Castr. n. 3. Panor. in cit. C. ult. n. 43. Butr. n. 20. Barbos. in L. 19. §. proinde rubr. de Foro

Foro rei sitæ ff de Judic. n. 4. Quæ sententia , teste Sichardo *in cit. L. ult. in fine*, communi Germaniæ consuetudine recepta est, & merito: quia Impp. *cit. L.* absolutè & sine discrimine immobilium aiunt, sed *¶ in locis, in quibus res, propter quas contendit, constitutæ sunt, jubemus in rem actionem adversus possidentem moveri.* res autem non tantum fixæ , quæque solo cohærent , sed etiam mobiles, constitutæ in loco propriè dicuntur. *Dixi saltem si res ad aliquid tempus permansura est:* existimant enim Panor. Butr. *ll. cc. cum Cyn. Bart.* ac aliorum communi , si quis hæc transeat duntaxat cum equo meo vel mihi oppignerato , mox discessurus, hæc conveniri non posse , eò quod res, quæ huc affertur tantum in transitu , & non ut diu hæc maneat, non censeatur adesse. *arg. L. debitor. ff. de pignorib.* Cautelam tamen addunt : si advena, qui cum re mea huc venit mox abiturus , suspectus sit de fuga , quia in loco domicilij non habet bona immobilia , cogetur cautionem præstare de judicio fisti coram Judice competente , & quidem non juratoriam tantum, sed satisfactionem; aut si persona qualitas postulat , res sequestrabitur. *Imò etiamsi de fuga suspectus non sit* , ut quia possidet immobilia in patria, cautionem cogetur præstare de re exhibenda. Verùm alijs sequuntur Azo nem sine discrimine afferentem , posse hæc agi in rem, si hæc inventur; quod esse tutissimum putat Sichard. *l. c.*

204. Neque hæc nomine rei venit tantum res corporea, profana vel Ecclesiastica ; sed etiam incorporalis : cùm & rerum incorporearum causâ actiones in rem proditæ sint §. æquè 2. *Inst. de action. tot. tit. ff. si servit. vindic. L. pen. §. 1. ff. si ususfr. pet.* eæque res quasi possideri dicuntur *L. ult. ff. uti possidet. L. ult. ff. de itin. a-*
et que priv. L. 9. ¶ 19. ff. de pet. hæred.

205. Cùm verò Impp. *cit. L. ult.* dicant , in rem actionem movere debere in locis, ubi res est, idcirco in loco rei sitæ locum non habent actiones, quæ in personam propositæ sunt , quamvis adrem agatur, puta si actione empti petatur, ut res tradatur; actione personali ex stipulatu, ex testamento , aliáve ; ut servitus realis urba-

urbanorum vel rusticorum prædiorum, vel personalis, nimirum ususfructus, usus, & habitatio, constituatur. *Gloss. in L. forma. §. si verò ff. de censib. v. levavi. Bart. Castr. Fulg. in cit. L. ult. Panor. & Canon. in C. ult. de For. comp.* quia actio personalis non adhæret rei, neque eam sequitur. *L. fin. §. fin. ff. de contrab. empt.* Erit igitur intentanda, ubi vel reus domicilium habet, vel ubi contractum est. An verò actio personalis in rem scripta, ac ex quas aliqui mixtas dicunt, in loco rei sitæ proponi possint, seq. §. discutietur: id duntaxat noto, actionem realem *cit. L. ult.* accipi pro omni actione in rem, sive ex legitimis & civilibus causis descendat, sive ex Prætoris jurisdictione comparata sit. *§ omnium. 1. & §. sed istæ. 3. Inst. de action.*

206. Illud hic controversum est, possitne actio in rem in loco rei sitæ duntaxat intentari, quando reus ibi præsens est, prout de loco contractu dixi n. 180. an verò etiam, quando est absentis. Illud prius tenent cum Castr. *in cit. L. ult. n. 2. Barbos. l.c. n. 15. & 16. Sichard. l.c. ac in parat. ad tit. C. ubi de hær. agi oport. Olivap. 3. For. Eccl. q. 23. n. 8.* Et evidentur idem sentire Panor. Felin. Butr. *in C. ult. de For. comp.* Marian. Socin. *in C. sanè eod. n. 12.* dum asserunt, forum rei sitæ & contractu comparari: at notum est, reum in foro contractu non nisi præsentem conveniri posse. Communis tamen sententia & hodiernâ praxi approbata, de qua Vult. *in L. 1. C. ubi in rem actio. n. 20. Zanger. de Except. c. 1. p. 2. n. 286. & Matth. Steph. L. 1. de Jurisdict. c. 31. n. 6.* contendit, in loco rei sitæ etiam absentem conveniri posse, eo quod in actione reali, utpote quâ agitur in rem, solum ista attendatur, non persona, & per consequens sufficit, illam esse præsentem. Accedit, quod Impp. absolute statuerunt, actione in rem agi posse in loco rei sitæ, sine addita clausula restringente sibi reperiatur debitor, sicut de loco contractu addita fuit *L. 19. de Judic. & C. 1. §. 3. de For. comp. in b.* Quod huic sententiæ non obstat textus *L. un. C. ubi de hæred. agi oport.* ubi dicitur, hæreditatis controversiam ibi terminandam esse, si ibi, qui convenitur, ubi res hæreditaria sitæ sunt, degat,

fusæ

fusè ostendit Zanger. l.c. à n. 288. & Ummius disp. 4. ad process. judic. th. 3. n. 16. Igitur si reus ibi, ubi res sitæ sunt, non degit, citabitur in subsidium juris; qui si contumax fuerit, patietur mis-
sionem in bonorum possessionem.

§. II.

Quomodo agendum sit Petitorio in loco rei sitæ.

SUMMARIUM.

- 207. In loco rei sitæ agi Vindicatione potest.
- 208. Confessoria vel Negatoria, Rescissoria, & Hypothecaria,
quasi & Servianâ.
- 209. Nec non ad exhibendum.
- 210. Petitione bæreditatis.
- 211. Et Judicio familiæ herciscundæ, communi dividendo, & fi-
mum regundorum.

207. Quoniam ratione rei dupliciter agi potest; vel ad ipsam proprietatem, vel ad possessionem: idcirco postquam in genere de actione reali in loco rei sitæ intentanda dixi, speciatim nunc exponere placet, quâ ratione tam petitorio quam possessorio judicio ibi contendendum sit. Et quidem si possideo fundum hîc situm, & ejus dominium prætendat Titius, eum hîc agere rei vindicatione debere aut certè posse, constat ex L. ult. C. ubi in rem act. & C. 3. ac fin. ac For. comp. Pari ratione si fideicommissum vel species legata petatur, non actione personali, sed rei vindicatione, hæc ibi intentari potest, ubi res legata existit. L. un. C. ubi fideicom. peti oport. L. 38. §. si autem. & L. 52. §. 3 ff. de Judic Gomez tom. 1. c. 12. n. ult. Molina de Just. tr. 2. disp. 195. n. 9. Donell. L. 17. c. 15. lit. B. & ibi Hillig. Zang. l.c. n. 269.

208. Quod si Titius ad suum fundum situm in territorio Pa-
latino per meum fundum situm in territorio Bavarico præten-
dat iter, actum, jus ducendi aquam, pascendi &c. agitur confes-
soriâ